

經部

欽定四庫全書

經部

周禮註疏刑異卷十六

詳校官監察御史臣徐如掛

刑部郎中臣許兆春覆勘

騰録監生臣任兆炯

總校官編修臣王燕緒

校對官助教臣胡子襄

とこりる とた 御日官居鄉以底日禮也日御不失日以授百官於朝 大史掌建邦之六典以逆邦國之治掌屬以逆官府之 治掌則以逆都鄙之 欽定四庫全書 周禮註疏刑翼卷十 史口官也 治註典製亦屬也逆迎也六典 周禮註疏則異 百官太更又建馬以為王迎受 秋傅田夫子有日官諸侯有日 王志長 撰

争訟來正之者 我好四屆全書 居補處也言建六典以處六卿之職 凡辨灋者放馬不信者刑之註謂邦國官府都鄙以灋 疏日官日御典悉數者也堯典云乃命義和欽若昊 國官府都都有疑者則使之辨於大史而致之不 周雖以下大夫為之然建邦之六典循處六卿之職 王氏曰上之制下以有法也其書皆藏於大史而 天感象日月星辰是卿掌歷數帝王異世該官不同 巻十六 信 邦

者道揆所出也大史者禮法所宗也且大史非治事 氏曰建邦之六典與夫八法八則大军掌之小军司 宜承式而行謹度而循首辨而不信事理妄會是奮 會貳之矣大史復掌之者蓋經世大法大宰執而行 其機智將至於亂法矣然則及其辨法所以伸其在 之至其為書以成一代制作大史執而藏之故大字 下之情刑其不信所以杜其好辨之源也〇莊渠魏 者是謂非法其刑之宜矣夫天子制法臣下守法是

炎足四草全

•

尚禮註疏惻報

於約劑之書以為六官之副 之所登註約劑要盟之載解及券書也貳猶副也藏邊 凡邦國都鄙及萬民之有約劑者藏馬以貳六官六官 其不信者以正矯誣之罪馬 其破法不信者與守法者争是非則改正於大史刑 漢郡國上計亦先送大史公也典法一定永為遵守 之官何以逆邦國官府都鄙之治蓋史官據事實錄 王氏曰六官二字衍文

若約劑亂則辟灋不信者刑之註謂抵冒盟誓者辟灋 者改按讀其然否 藏馬者大史又藏馬則以貳六官所藏及其所登者 之所取也司約不信者服墨刑大亂則殺亦以約 信而好偽滋起啓其書而正之不信則好偽可知刑 而參考之故也約劑所以輔信令又從而亂之則倍 辟藏其不信者殺蓋六官所藏約劑有登於司約而 王氏曰司約掌邦國及萬民之約劑若大亂則六官

夕足可事心時

周禮註疏剛翼

時以次序授民時之事春秋傅曰閏以正時時以作事 事以厚生生民之本於是子在 金ジャル 日年中朔大小不齊正之以閏若今時作悉日矣定四 戼 無所逃矣 歲年以序事領之於官府及都鄙註中數曰歲朔數 疏正歲年者謂造思正歲年以閏則四時有次序依 寢閣之類辟開也開其所藏之法以及則不信者罪 罪之輕重也〇某氏曰約劑亂謂違約抵飾及瑜期 といって 宸極以運璩幾揆天行而序景曜分辰野辨聽悉欽 中氣在梅則閏十二月十六日得後正月立春節此 此即是中數曰歲〇浚儀王氏曰晉志替者聖人擬 即朔數曰年至後年正月一日得啓蟄中此中氣匝 前月法中氣匝則為歲朔氣匝則為年假令十二月 閨中氣在朔則前月閏朔氣有入前月法中氣無入 **思授民以事故云以序事也一年之内有二十四氣** 月二氣皆朔氣在前中氣在後朔氣在晦則後月

ELD LA LA SID

周禮註疏剛亂

金与四层白書 司歷額帝則南正司天陶唐則分命義和虞舜則 偷堯法及夏殷乘運周氏應期正朔既殊朔法斯異 消息正関餘述而者馬謂之調恐泊於少昊則鳳鳥 作算數容成綜斯六街考定氣象建五行察發欽起 農時與物利皆以繁順兩儀紀網萬物然則觀象設 儀占月車區占星氣伶倫造律日大撓造甲子隸首 以始農成黃帝紀三綱而闡書契乃使義和占日 扔開成文悉数之源存於此也退子炎帝分八節 卷十六 常 因

次定四年全事 天下也 使諸侯以每月朔告於祖廟而行之所以一正朔於 東作西成南訛朔易月令春而布德秋而明刑之 為正而四時之事有用夏正建寅者用建寅則謂之 歲用建子則謂之年○明齊王氏曰序事者若書云 十四日漢悉志曰閏所以正中朔也或謂周以建子 領之於官府都鄙則王國之事叙矣又領之於邦 〇又日中數三百六十五日四分之一朔數三百五 周禮註派刑翼 五 類 國

頒 艄 、告朔於 朝於廟告而受行之鄭司農云碩讀為班班 者人君入廟視之告者使有司讀祝以言之聽者 也論語稱告朔玉藻謂之聽朔春秋謂之視朔視 二月朔布告天下諸侯 疏 聖人簡其節敬其事因月朔 按禮記玉藻諸侯皮弁聽朔於太祖太祖 一月之政令所從言之異耳〇後儀王氏曰釋 邦國註天子領朔於諸侯諸侯藏之祖廟 朝遷坐正位命羣吏 即 布也以 祖 聴 廟 至 朔 例

金どくに

時政則諸侯閏月亦告朔矣按禮論王珉范甯儀有 時帝及神配以文武此誤也其每月告朔者諸候之 禮〇又曰張齊賢議按殼梁傳曰閏月天子不告朔 是知他月則天子告朔矣左氏以會俱不告朔為棄 聽朔周禮大宰正月之吉布政干寶注云周正建子 丘滑等議經史正文無天子每月告朔之事玉藻云 之月告朔日也此即玉藻之聴朔而鄭玄註云告其 而聽大政改其所行而決其煩疑〇又曰唐會要問

大きり事人と

周禮註疏則異

金グログノニー 諸侯受朔於天子於祖廟告而受行之天子受朔於 而不識孟服失紀而莫悟大火循西流而怪蟄蟲之 告朔之羊廢而不紹登臺之禮滅而不遵閏分乘次 之諸侯諸侯受之則頒於境內周室既衰戰國横舊 虞則義官掌日三代因之世有日官日官司悉則須 農月以紀事少昊則玄鳥司分嗣魯則重黎司天唐 天宜於明堂告帝而配以祖考〇又曰宋志時以紀 明堂每月告朔之禮在靈恩義宗載天子視朔之 服

少三日日五七日 十二月分在青陽明堂總章玄堂左右之位唯閏月無 所居居於門故於文王在門謂之閏 閨 堂謂之總章正北之堂謂之玄堂每堂各有左右之 月韶王居門終月註門謂路寢門也鄭司農云月令 疏正東之堂謂之青陽正南之堂謂之明堂正西之 臺須朔則謂之有禮 日御不分朔仲尼於春秋司歷失閏則識而書之登 不藏也是時天子不協時司歷不書日諸侯不受職 周禮註疏剛翼

其餘則歸之閨閏非一時之正也而四時不得則不 授人時春三百有六旬有六日以閏月定四時成歲 位月令謂之左右个孟春居青陽左个仲春居青陽 居其月門之左扉 O王氏曰先王歷象目月星辰以 於其堂王居以隨日月之會也則月無所會之次故 堂路寝宗廟皆有五室十二堂四門每月視朔聽政 大廟李春居青陽右个明堂以下皆然○劉氏曰明 正然歲時日月益有常矣而置閏則無常王者體天

大祭祀與執事十日註執事大小之屬與之者當視墨 疏占人云史占墨 以見王者消息盈虚與時偕行也 其中然則王之居門也豈一朝一夕而已哉凡以應 玄堂其居固有常矣至閏而居門以門者一闔一 閥 天而已則不可以不終月終月者所以成其事也所 之變而往來不窮之通也玉藻曰閏月闔門左扉居 而立道於四時春居青陽夏居明堂秋居總章冬居

周禮註疏剛異

動気四周全書 戒及宿之日與羣執事讀禮書而協事註協合也謂習 錄所當共之事也 胴之 文之所載而協其事之所當共以史主書故也〇 讀禮書而協事恐事有失錯物有不共故也〇王氏 疏戒調散齊七日宿謂致齊三日奉執事與祭之官 按祭祀之際禮備人衆茍對沒趣蹌微有差心則 曰祭事則繁矣具載於禮書之文故讀禮書則按其 一禍胎之國家故聖人尤慎馬協者謂一堂之上 愚

祭之日執書以次位常註謂校呼之教其所當居之處 辨事者及馬不信者誅之註謂抵冒其職事 CALD ST LILLY 18 疏大史掌禮知行事得失故與人及馬抵冒執事者 或曰尊軍的移存乎書册故執而序次之 誠矣此先王所以祭則受福也欺 誅之此謂與祭之人也 泉志一志而王乃可以中心無為致其精明對越之 周旋進退先後疾徐衆耳一耳衆目一目衆手一 周禮註疏剛翼

一部 近四 母全書 飛楚子使問諸周大史大史主天道玄謂瞽即大師大 非瞽史馬知天道春秋傳曰楚有雲如衆亦鳥夾日以 大會同朝覲以書協禮事註亦先習録之也 主抱式以知天時處吉函史官主知天道故國語曰吾 師瞽官之長 大史抱天時與大師同車註鄭可農云大出師則大史 及将幣之日執書以詔王註將送也詔王告王以禮事 疏 朝覲之時則有三享之禮幣謂壁帛之等

炎定四車全書 先王至知諸位處 大喪執續以沒勸防註鄭司農云勸防引六鄉 大遇國抱黨以前註海司空營國之源也抱之以前當 時日支干孤虚王相及星辰變動軍衆用以行止者 立國之基也 史抱天時以書而知天道也○明齊王氏曰天時謂 王氏曰大史守國典法抱之先往恐有散亡且以為 王氏曰大師執同律以聽軍聲以聲而知天道也大 月禮註疏刪記

遣之日讀誄註遣謂祖廟之庭大真將行時也人之道 終於此累其行而讀之大師又的瞽威之而作諡瞽史 凡喪事效馬註為有得失 知 天道使共其事言王之誄諡成於天道 疏記曰賤不誅貴幼不誄長諸侯相誄非禮也唯天 該乃於遣之日讀之葬後則稱該 諡於南郊是王之諡成於天道也若然先於南郊制 子稱天以誄之註云以其無尊馬彼又引公羊傳制 むトハ

小喪賜諡註小喪卿大夫也 之諡小史不讀之以其諸侯自有史此直言小喪賜 禮言諡曰類以其象聘問之禮見天子乃使大史賜 葬矣請所以易名也君曰昔者夫子修其班制以與 弓云公叔文子卒其子成請諡於君曰日月有時将 四隣交衛國之社稷不辱不亦文子是其事也按由 使大史将往賜之小史至遣之日往為讀之禮記檀 卿大夫將作諡之時其子請於君君親為之制諡

没是四年上的

周禮託疏删員

虎中大夫児中士鹿中天子之中未聞 釿 凡射事飾中舎算執其禮事註舎讀曰釋鄭司農云中 無感一 鄉射禮曰君國中射則皮堅中於郊則関中於境則 以盛算也玄謂設算於中以待射時而取之中則釋 讀於極者一則謂死者有知亦無後言質諸鬼神而 以戒使夫人之知思也 之諡則三公諸侯亦在馬〇明齊王氏曰既諡而必 則謂生時所行死而不可掩善者以勘惡者

大田の山上 かい 諱註鄭司農云志謂記也春秋傳所謂周志國語所謂 鄭書之屬是也史官主書故韓宣子聘於魯觀書大史 小 史掌邦國之志真繁世辨昭移若有事則詔王之 忌 中〇集說王氏曰中形為問虎兕鹿之屬而鑿其背 郊謂大學之射於竟謂與隣國君射也大夫士各一 疏皮竖中者謂此射禮在寢則以皮里歐形為中於 其禮事以禮書皆掌於大史故也 以盛算明善射多算則能勝物而制之以為用也執 周禮註疏則翼

繁世謂帝繁世本之屬是也小史主定之瞽朦諷誦之 氏 先王死日為忌名為諱玄謂王有事所祭於其廟 金分世四百書 所出謂之繁真繁世以知其本所出辨的移以知其 世序凡此皆有書小史則定而辨之○明齊王戊曰 也言九州所有土地所生風氣所宜皆聚此書也 浚儀王氏曰孔安國書序九州之志謂之九丘丘聚 王氏曰父謂之昭子謂之穆父子相代謂之世世之

者記稱周人以諱事神孟子亦有諱名之說鄭說亦 者敗亡之事言之自知所警戒葉說良是若所謂諱 愚謂以古為鉴可明得失人君行事倘有不法以古 日者則出於孝子慈孫之心尚何待於小史之詔耶 諱忌亦如地官誦訓之掌道方志以詔避忌也若忌 善而避惡即吉而忌凶故王之忌諱莫如惡事之當 故語忌諱與奉韓惡之職同蓋以人君行事當知就 禁氏曰王制大史執簡記奉諱惡小史者大史之屬

大田田町山町

周禮註疏删真

為節組簋姓與恭稷以書次之校此之 金芝口唇 白重 史與羣執事史此小史也言讀禮法者小史叙俎簋以 大祭祀讀禮屬史以書叙昭穆之祖簋註讀禮屬者大 簋以盛粱其先後有叙多寡有數 禮法之節校比之使不差錯也〇王氏曰俎以盛牲 疏謂大史讀禮法之時小史則叙昭移及俎簋當依 通但不當如後人之拘耳小史辨昭榜者以其詳於 世繁詔忌諱者以其熟於典故也

馮 者掌其小事卿天夫之喪賜諡讀誄註其讀誄亦以大 方面所在辨其敘事謂若仲春辨秩東作仲夏辨秩南 同次之月斗所建之辰樂說說歲星與日常應大歲月 史賜諡為節事相成也 大喪大賓客大會同大軍旅佐大史凡國事之用禮屬 以見然則今歷大歲非此也歲日月辰星宿之位 星之位辨其敘事以會天位註歲謂大歲歲星與日 相氏掌十有二歲十有二月十有二辰十日二十有 謂

決定可草在馬

周禮註派刑真

訛仲秋辨秧西成 仲冬辨在朔易會天位者合此歲 日 某日某甲朔日直某也 月辰星宿五者以為時事之侯若今歷日大歲在某月 歲移一辰也十有二月者謂斗柄月建一辰十二月 疏十有二歲者歲謂大歲左行之地行於十二辰一 等為二十八星若指星體而言謂之星日月會於其 乙丙丁等也二十有八星者東方角亢等北方斗牛 而周也十有二辰者謂子且寅卯等也十日者謂甲

次之月斗所建之辰者以歲星為陽人之所見大歲 年數同服度註春秋龍度天門是也云歲星與日同 百三十四分而侵一分則一百四十二年跳一辰十 行歲星為陽右行於天一歲移一辰又分前辰為一 皆有位處也 O又云大處在地與天上歲星相應而 星即名宿亦名辰亦名次亦名房云之位者總五者 二歲一小周謂一年移一辰故也千七百二十八年 一大周十二跳匹故也歲左行於地一與歲星跳辰

次定四車全書

問禮註疏刑罪

於玄楊以害鳥於〇又曰三禮義宗云歲星者東方 養龍之宿五星之首在天右行十二歲一周天大歲 為除人所不親故舉歲星以表太歲也〇沒儀王氏 以觀善敗其始王也次於鶉火以達天電其衰也淫 行正氣歲星主農祥后稷馮馬故周公常閱其機祥 更八十四年而超一次姬氏出自靈威仰之精受木 餘年而超一次戰國後行浸急及哀平間餘執乃盡 曰唐志五星議歲星自商問訖春秋之李率百二十

少足口車 在馬 事柔日協日刑殺之類此會合夫日之位也 作南訛西成朔易此會合夫月之位也外事則日 其在天各有所居之位〇明齊王氏曰聖人治天下 不過飲若昊天敬授人時而已故歲之所在可以伐 正仲春星火正仲夏星易正仲秋星虚正仲冬之屬 **敘事若析因夷與其事各有先後之序天位謂星鳥** 者歲星之神法五行亦十二歲一周於地〇王氏曰 人太歲所在不可以犯此會合夫歲之位也平秩東 周禮註頭側翼

夏氣皆至則是四時之敘正矣 在角而月弦於牽牛東井亦以其景知氣至不春秋冬 景長丈有三尺夏至日在東井景尺有五寸此長短之 極 冬夏致日春秋致月以辨四時之飲註冬至日在牽牛 金いていたノニー 時之飲得正矣必冬夏致日春秋致月者以日者實 四時之敏若政教得所則四時之景依度依度則四 極則氣至冬無怨陽夏無伏陰春分日在婁秋分日 疏此經欲知人主政之得失所致觀日月之景以辨 基十六

文正日華 在時 時致之也〇又云按易緯通卦聚云冬至日置八神 樹八尺之表日中視其景如度者歲美人和否者歲 長晷長者陰勝故水晷短於度者日之行入進黃道 惡人偽神讀如引言八引者樹枝於地四維四中 寸則日食注云晷進調長於度日之行黃道外則晷 審矣晷進則水晷退則旱進尺二寸則月食退尺二 繩以正之故因名之曰引立表者先正方面於視日 也欲於長短極時致之也月者關也故於長短不極

周禮註疏删異

金とメロッとんと言い 井不言圓望義可知也〇王氏曰此皆以土圭立表 以度其至否典瑞曰土圭以致四時日月者此也 言明致月景亦用此日矣若然春分日在婁其月上 牽牛圓於妻下弦東井故鄭氏并言月弦於牽牛 我東井圓於角下弦於牽牛秋分日在角月上弦於 内故暑短暑短者陽勝故旱〇又云按通卦驗云夫 氣注云入月八日不盡八日陰氣得正而平以此 卦氣驗常不在望以入月八日不盡八日候諸卦 而

大巴司 在 辨其吉凶註志古文識識記也星謂五星辰日月所會 保章氏掌天星以志日月星辰之變動以觀天下之遷 變七者右行列舎天下禍福變移所在皆見馬 五星有贏縮還角日有薄食量珥月有虧盈眺側匿之 疏五星者天文志謂東方嚴南方炭惑西方大白北 方辰中央鎮星云五星有贏縮者天文志云歲星所 其國有兵不復縮其國有憂其将死國傾敗故曰天 在國不可伐可以伐人超舍而前為贏退舎為縮贏 9 周禮託疏州異

金牙四月百月 園角者星備云五星更王相休廢其色不同王則光 惑王七十二日色赤角黄土王六月十八日其色黄 白有光角芒土王三月十八日其色黃而大立夏炭 而大立秋大白王七十二日光芒無角土王九月十 四時其國皆當也又云立春歲星王七十二日其色 下太平五星循度亡有逆行日不蝕朔月不蝕望云 日其色黄而大立冬辰星王七十二日其色白芒 相則內實休則光芒無角不動搖廢則少光色順

東方謂之側匿側匿則侯王其肅眺則侯王其舒七 者尚書五行傅云晦而月見西方謂之眺朔而月見 然經有辰鄭氏直釋辰名不解辰之禍福者但辰與 者謂日月五星皆右行於天留伏順逆以見吉凶若 此言之者星辰是相將之物挾句而言故不釋為禍 角其邦强國取地大弱夫國亡土也云眺側匿之變 角土王十二月十八日其色黄而大星當王相不芒 二十八星隨天左行非所以見吉凶已見馮相氏而

欠至日華 白生日

周禮註疏州翼

為晉星商主大火國語曰歲之所在則我有周之分野 星土星所主土也封循界也鄭司農說以春秋傳曰參 以星土辨九州之地所封封城皆有分星以觀妖祥註 之屬是也玄謂大界則曰九州州中諸國中之封城於 章所謂觀天下之遷辨吉山也雖然天地之道貞觀 福之事也〇愚按天之變動不可以一例拘也或同 者也不觀其選則趨避滞矣不握其貞則趨避私矣 象而異應或異象而同占稽之古昔不一而足此保 卷十六

金少四月八十里

熟火周也熟尾楚也毒星鄭也大火宋也析木熟也此 也今其存可言者十二次之分也星紀吳越也玄楊齊 星亦有分馬其書亡矣堪與雖有郡國所入度非古數 分野之妖祥主用容星彗孛之氣為象 也孤管衛也降妻魯也大梁趙也實沈晉也熟首秦也 疏此經論北斗及二十八宿所主九州及諸國封域 據北斗而言云所封封域者據二十八宿而說云皆 之妖祥所在之事故云以星土也云辨九州之地者 問禮註疏刑其

彭定匹库全書 星蒙山以東至南江會稽震澤徐揚之州屬權星大 危之野雅州屬魁星大行以東至碣石王屋砥柱其 别以東至雷澤九江荆州屬衛星荆山西南至岷山 州屬樞星三河雷澤東至海岱以北兖州青州屬機 鉤云布度定記分州緊象華岐以西龍門積石至三 大界則曰九州者此解經九州之地按春秋緯文耀 據諸國而言故增成其義并解九州之土也後鄭云 有分星者總解九州及諸國也〇又云先鄭所引皆

彗星也何休云孛彗者邪亂之氣掃故置新之象左 儒言星土者或以州或以國虞夏秦漢郡國廢置不 星者彗非位奔實而入他辰者也〇一行曰近代諸 氏申繻曰彗所以除舊布新如是彗字一也言用客 揚并屬二州故七星主九州也周之九州差之義亦 州屬搖星此九州屬北斗星有七州有九但兖青徐 可知按公羊傳的十七年冬有星字於大辰字者 何 北嶇鳥鼠梁州屬開星外方熊耳以至泗水陪尾豫

くこうう たたう

同禮註疏剛翼

銀好四月至書 皆綿亘數州相錯如繡故雲漢山河之象多者或至 十餘宿其後魏徙大梁則西河合於東井秦拔宜 南盡顏川南陽西達號署距函谷固宜陽北連上地 同周之興也王畿千里及其衰也僅得河南七縣今 而上黨入於與鬼方戰國未滅時星家之言屢有明 之初天下地形雌韓而雄魏魏地西距高陵盡河東 河内北固漳都東分梁宋至於汝南韓據全鄭之地 又天下一統而直以鶉火為周分則疆場好矣七國 陽

定已日華全島 燕在北而配以東方之析本魯在東而配以西方之 岐之地賜秦襄公而其分星乃謂之鶉首又何也如 豐岐之地今乃以當洛陽之東周何也周平王以豐 州鳩曰歲之所在我有周之分野蓋指鶉火為西周 應多不誣者然亦有可疑馬武王伐殷嚴在鶉火修 諸侯謂之分星在九州謂之星土政之傳記炎祥所 之是守甘石遺術而不知變通之數也〇易氏日在 效今則同在畿甸之中矣而或者猶執漢書地理推 周禮註疏刪真

降襲秦居西北而鶉首次於東南吳越居東南而星 受封之月歲星所在之辰以為分次則春秋戰國之 皆古者受封之辰少此堪與之書雖足及古而言郡 諸侯以之占妖祥可也後世占分野而妖祥亦應豈 紀次於東北此皆稽之分野有不合者買氏以古者 大火參為晉星云龍宋鄭之星則蒼龍之方有宋鄭 之星在地之土各有上天之分見於傅記者云商主 國所入度則非古之法〇春秋正義諸侯祭其分野

薛之分也越得歲而吳伐之凶則於時歲星在吳越 於東北吳越實在東南魯衛東方諸侯遙屬成亥之 次周禮雖云皆有分星不知其分誰分之也星紀在 火我有周之分野是有分野之言也以九州當十二 之分也晉語云實沈之虚晉人是居周語云歲在鶉 也歲在額帝之虚姜任實守其地則於時歲星在齊 分也四月日食曾衛惡之則春分之日在魯衛之分 之分也以害鳥帑周楚惡之則朱鳥之方有周楚之

处三日 日本

周禮託疏剛翼

金罗四尼白星 載雖有郡國所入度非古數也鄭氏所引十二次之 蔡邕魏陳卓李淳風僧一行諸家之說大同小異而 書地理志分郡國以配諸次其地分或多或少熟首 分本漢地理志大略見於左氏國語然漢賈直班 古之星經至漢散亡保章氏分星不可及今堪與所 之聖哲有以度知非後人所能測也○漁仲鄭氏曰 極多鶉火甚狹徒以相傳為說其源不可得聞蓋古 次又三家分晉方始有趙而韓魏無分趙獨有之漢 卷十六 固

The Date of the second 地之在北者其分野在天亦居北地之在南者分野 星則在彼彼此若不相配而其為象未當不相屬非 星有氣耳雲漢也北斗也五星也無非是氣也一行 參以古漢郡國其於區處分野當所在如指諸掌盖 而言也鄭氏所謂星土星所主土是也其國在此而 之學其深矣子〇蘇氏日分野者指列星所屬之分 之氣也認江河脉絡於兩戒識斗羅升沈於四維下 行之言十二次也唯以雲漢始終言之雲漢江河 周禮註疏剛張

其遺象也鄭司農云太歲所在歲星所居春秋傳曰越 陰左行於地十二歲而小周其妖祥之占甘氏歲星經 多定匹库全書 得歲而吳伐之以受其凶之屬是也 日同次之月斗所建之辰也歲星為陽右行於天太歲 十有二歲之相觀天下之妖祥註歲謂太歲歲星與 異於分主則無常主矣占其所見之相有逆順盈縮 王氏曰分星經星也故有所主之封域歲星緯星也 在天亦居南也

Caloud Action 以五雲之物辨吉凶水旱降豊荒之禄泉註物色也視 為豐故春秋傅曰凡分至啓閉必書雲物為備故也故 二至二分觀雲色青為蟲白為喪赤為兵荒黑為水黃 曰凡此五物以詔救政 日旁雲魚之色降下也知水旱所下之國鄭司農云以 至而使之防先王所以仁民可謂厚矣 伏見進退之不同而妖祥著於天下矣 王氏曰降其複象使民知之事未至而使之備患未 周禮託疏删異 圭

聲楚必無功是時楚師多凍其命乖別審矣 金片四月百十 皆有風吹其律以知和不其道亡矣春秋襄十八年楚 以十有二風察天地之和命乖别之妖祥註十有二辰 師伐鄭師曠曰吾縣歌北風又歌南風南風不競多 風震為明庶風異為清明風離為景風坤為涼風兒 疏 為間闔風乾為不周風坎為廣莫風〇黃帝風經曰 陰合陽故八卦主八風距同各四十五日良為條 按放異郵曰陽立於五極於九五九四十五且變 死

藏庶物俱不周而謹邊備〇王氏曰十有二風風之 立春亦曰條風異為清明風而立夏亦曰清明風坤 氏玉海云應廣莫而修刑則明庶而施惠待閱闔而 調長祥和天之喜風也折揚奮勵天之怒風也〇王 行八風謂此也四維之風兼於其月故艮為係風而 不周風故八風變而言之又謂十二風也風生於天 生於十二辰之位者也蓋八風本子八卦傳曰舞以 為涼風而立秋亦曰涼風乾為不周風而立冬亦曰

WIED IN ALL

川禮註疏剛員

金少口上人 預為之備以詔王救其政且謀今年天時占相所宜次 凡此五物者以詔救政訪序事註訪謀也見其象則當 丹其事 ·利之妖祥以告人而使知所備馬申則異而不同 th 而妖祥先見於風則人與天地相流通萬物一氣故 别 地之和氣以風察天地之和和則無事矣不和則命 則離而不合申别者不和之所致也然申别在

内史掌王之八枋之灋以詔王治一曰爵二曰禄三曰 者也 事救政之事所當先後緩急〇王氏曰夫惟天有以 歲也五雲之物也十有二風也即所謂五物〇介甫 以格其變此聖人所以和同天人之際而使之無間 示人惟人有以奉天修其誠足以應其情正殿事足 王氏曰詔以詔上訪以訪下救政凶荒垂别之政序 王氏曰日月星辰之變動也星上辨九州也十有二

文已日華在監

用禮註疏刪翼

廢四日置五日殺六日生七日予八日奪註太军既以 多けいととう 所以獨永其治者設官執法內外相維以制其失而 非太宰所敢擅也而力吏循以法令政之者有失其 王内史又居中貳之 柄以詔王馭羣臣者不敢擅其重輕也內史掌其法 劉氏曰聖人獨執以制天下治者八柄也太宰掌 則弗書其命也期協於中然後方策行馬盖周之 詔王治者又以察其中否也夫八柄雖出於王又 卷十六

國邊及國令之貳以及政事以逆會計註國邊六典 謂之王之八柄則法當自王出故也 賞刑威雜而不知其孰先主於守法而不預其道揆 惟中之求也雖貴為天子當有八柄亦不得作好作 之意也〇王氏曰謂之八柄之法則所掌者法而已 惡以遂其私而况其下者子 〇介甫王氏曰太宰八 刑威則先輕而後重貴賞薄刑之意至於內史則慶 柄之序先慶賞而後刑威於慶賞則先重而後輕於 习禮注硫 則算

謀於王也六致六曰以叙聽其情 舒宜四届全書 掌敘事之灋受納訪以詔王聴治註殺六叙也納訪 蹠 鄧氏曰令謂命令 於下〇雜說有事斯有法然先王不恃法以為便任 便者革之损益必利於民然後可以治天下故先受 巴以為明也故必納訪於民而使內史受馬其有不)1] 則 王氏曰叙事事治先後也納納言於上訪訪 事 納

.... 晉候三辭從命受策以出 傅 凡四方之事書內史讀之註若今尚書入省事 凡命諸侯及孤卿大夫則策命之註鄭司農說以春秋 王命其文曰王謂叔父敬服王命以綏四國糾逃王惠 疏諸便有書奏白於王内史讀於王〇愚按凡四方 曰王命內史興父策命晉候為候伯策謂以簡策書 則羣臣庶民之復逆及肺石路鼓之所達者莫不在 納訪然後詔王聴治也 同禮註疏剛翼 芜

賞賜亦如之内史掌書王命遂貳之註副馬藏之 農云以方出之以方版書而出之 舒定四庫全書 王制禄則對為之以方出之註對為之為之解也鄭司 大權既有道揆大臣詔之外又有法守近臣詔之内 按掌書王命特稱内史重王命也〇葉氏曰八柄王 蔽不達者哉 其中矣內史親臣其廣王聰明如此上下之情有壅 疏謂王有詔敕下頌則副寫藏之以待勘校也〇愚

掌三皇五帝之書註楚靈王所謂三墳五典 掌四方之志註志記也謂若魯之春秋晉之乘楚之轉 杌 外史掌書外令註 王令下畿外 作云蒼頡造文字蒼頡黃帝之史則文字起於黃帝 某八日若後守起軍放也如後世賜重書 疏按孝經緯三皇無文五帝畫象三王肉刑又世本 此王所以不得輕用其權而臣子不得擅竊其柄也

大江山村 人

周禮註疏酬異

掌達書名於四方註 謂若堯典禹貢達此名使知之或 若以書使於四方則書其令註書王令以授使者 日古日名今日字使四方知書之文字得能讀之 同文也〇王氏曰此所以一道德而同風俗也又安 明齋王氏曰書名六書之法也達書名於四方使書 有異政殊俗之患 王氏曰外史掌外令故也 二皇之書葢有文字後仰錄三皇時事

治之令冢字掌王治 凡治者受灋令馬註為書馬其治之灋令來受則授之 御史掌邦國都鄙及萬民之治令以贊冢宰註王所以 所與冢宰相隨 劉氏曰凡曰治者皆出於治典而冢宰領之邦國都 罷行之如內史贊王王有過亦面折廷争故常在王 莊渠魏氏曰大治冢宰禀王命内史贊王小治冢宰 自令之故御史赞冢宰凡令先以法察當否助冢宰

次足口事上馬

同禮註疏刪翼

金グリカと言 萬民則有九職敛財賦則有九賦節財用則有九式 所以赞家字也○莊渠魏氏曰有司聽於家字法 致國用則有九貢皆所以為治之本而出於大宰者 鄙者也故治六官則有六典治官府則有八法治都 史因糾察其不如法者 鄙則有い 具御史授於有司有司各受以從事事果復家宰御 也御史則以治令及察其從違而糾繩之必如其法 、則馭羣吏則有八 卷十六 杨馭萬民則有八統任 令

缺者 語 文 凡數從政者註自公卿以下至胥徒凡數及其見在空 掌赞書註王有命當以書致之則赞為辭若今尚書作 冢宰令書馬藏其副故用史百二十人 莊渠魏氏曰鄭註尚書作誥文此內史職御史所贊 政者則計數之益人之才行不可以一途取故總計 介南王氏曰若今御史掌班薄〇明齊王氏曰凡從

Calone has

周禮託疏删英

徒奉行文書〇又云古者一於任人法以備參及而 史大夫遂與宰相分權有事御史大夫下相國丞 臣保氏的諫王躬過失御史的争朝廷是非因糾 百司矣秦重法令人主自與法官决事疏遠丞相 糾謬御史小臣以之保氏諫王惡矣御史何以名争 家室大臣之任也獻可替否內史近臣之任也 絕然 渠魏氏曰御史職與冢军内史常相通格王正厥事 其事而知其賢否因而糾舉之以進退人才也〇莊 御 劾 相

多分四月

全書

とこういう たいか 子違汝獨汝無面從退有後言其兢兢與臣隣共相 官書龍作納言然非後世諫臣之職也其獨直又曰 薄書從事煩碎無大體崇廣勞形不復能清心致理 勉弱可謂至矣然更無常司諫諍之事者古者瞽歌 所然考之經文未嘗一言及此蓋三代以前不設諫 以後世御史專主諫諍因歷疏其絕愆糾謬居於王 今欲行王政何先曰省繁文以專委任〇愚按魏氏 已贊書之辭唯舉體要後世任法而不任人上下以 周禮話疏剛員 主

多好四母全書 其出入註公循官也用謂祀賓之屬旗物太常以下等 中車掌公車之政令辨其用與其旗物而等敘之以治 其權太重御史為天子近臣凡治者受法令馬則 切張弛操縱皆得執法以議其後此所以為贊冢宰 官裂麻觸階以旌天子之虚懷也乎冢寧六官無總 朝而天子亦莫不和顏色受之又何必區區專立一 工誦士傳言庶人誇無人不决其敢言之氣獻之於 然則御史之設蓋有深意矣

人足日華上町 **游以祀註王在焉曰路** 殺之以封同姓異姓之次序 玉路以玉飾諸未錫馬面當盧刻金為之所謂錢錫也 王之五路一曰玉路錫樊纓十有再就建大常十有 王氏曰自王五路至庶人東役車以上皆典於公而 以大為名 疏路門路寢路車路馬皆稱路路大也王之所在故 私車也故謂之公車 問禮註疏刪異 素

樊讀如盤帶之攀謂今馬大帶也鄭司農云纓謂當胸 金只以居人三 之玄謂纓今馬鞅玉路之樊及纓皆以五采罽飾之十 士喪禮下篇曰馬纓三就禮家說曰纓當胸以削革為 二就就成也 聰也 王氏曰纓所以羁馬樊與纓皆以五米飾之所以養 王氏曰詩所謂鉤膺鏤錫是已動則有聲所以養王 王明也〇陳氏曰五采一正為一就與主繅冕旒之

次定四軍全馬 大常儿旗之畫日月者正幅為終好則属馬 内 疏韓夹詩鉤膺鏤錫鄭箋云眉上曰錫刻金飾之爾 美故略於飾〇山陰陸氏曰問禮祭天王東玉軽建 疏德車謂玉金泉木四路不用兵故曰德車德美在 毛為之〇曲禮德車結旌注不盡飾也結謂收敏之 雅釋言云楚劇也郭氏云毛整所以為屬知是屬來 就同 不尚赫夹故結經其旒者於年也何嗣曰以德為 周禮註疏刪以

所不乗矣祭天者禮之至也而東汎祭之玉路以祭 大旂以祀之而玉路者東之以適郊故有兩車也 旗兩車也蓋東玉軽建大常者即道之車也祭之日 十有再就建大常十有二好以祀則凡王之祭祀 之以赴壇何以知其然也曰中車王之玉路錫樊 馭以適郊東素車建大祈者即事之車也祭之時馭 大常特牲祭天王東素車建大於則祭天之禮有兩 則非文以志則非敬非禮意故知東素車建 無

次定四車全書 金路鉤樊纓九就建大於以實同姓以封註金路以 節諸末鉤婁頷之鉤也金路無錫有鉤亦以金為之 飯也 疏 不敢跬步忘乎其德也 比德也王祭祀乗玉路者欲王之奉祭祀雖在道路 以格神而享之故玉路王乘之以祀〇劉氏曰王以 王氏曰玉徳之美也王所乗玉路備徳之美然後 詩云鉤臂鏤錫鉤連言膺明鉤在臂前知是馬妻 周禮註疏刪翼 弄 金

雖為侯伯其畫服猶如上公若會衛之屬其無功德各 以賓以會賓客同姓以封謂王子母弟率以功德出封 者 其樊及纓以五采罽飾之而九成大旂九旗之畫交龍 金ガー 親球食采畿山而已 疏自子問云天子巡守以遷廟主行載於齊車註云 齊申金路若王馬亦東金路士喪禮註云君馬益東 王先生曰明堂位曰有虞氏之於

生日按定公六年甚宏日武王分會公以大路大旅 有玉路弔時降一等乗金路可知問法二王之後稱 東路謂得金路之賜者弔時降一等乗東路明知王 公王之同姓稱侯伯而已畫服如上公者典命云上 候伯若魯衛鄭雖為候伯則服衮受五百里之封是 云候伯七命車旗衣服以七為節則服驚冕為異姓 公九命車旗衣服以九為節是上公九命服家冕又 以明堂位魯侯服衮冕明乗路亦同上公矣〇王先 用禮註疏剛真

次定日奉主

金少世月八十 甥舅 飾之而七成大赤九旗之通帛以朝以日視朝異姓王 節諸末象路無鉤以朱飾勒而已其樊及纓以五米屬 泉路朱樊纓七就建大赤以朝異姓以封註泉路以象 疏 泉路則建雄若在朝廷建大赤其車則同也異姓為 車建遊鄭註云道車象路也王以朝夕與出入乘此 杜氏曰大路金路也大路一名齊車 此 雖據常朝而言至於三朝皆乗之按司常云道

較之以革而添之無他節龍號也以白黑節章雜色為 革路龍勒條纓五就建大白以即我以封四衛註革路 異姓故也然同姓一異姓二以異姓對庶姓則庶姓 封 非 氏禮書曰言同姓以封而不言以封同姓言異姓以 王甥舅若陳國杞國則別於庶姓故得乗泉路〇陳| 揖庶姓時揖異姓異姓姻也庶姓非姻也 異姓也以異姓對同姓則庶姓亦異姓而已司儀 而不言以封具姓則嫌以賓獨賓同姓以朝獨 朝

文色可与上日上日

尚禮註疏剛異

于人

金月四月月十月 勒條讀為條其樊及纓以條絲飾之而五成不言樊益 DE) 脱爾大白般之旗猶周大赤益象正色也即戎謂兵事 衛四方諸候守衛者蠻服以內 旗物以治兵王載大常下註云凡領旗物以出軍之 異於親自将又按司馬法云章夏以日月上明殷 旗 之正色者或會事或勞師不親將故建先王之正色 則如秋不知中車大白以即戎為在何時答日旗 趙高問中車職云建大白以即我司馬職仲私辨

方之色主殺建大白者益奉天道肅殺之令以問罪 建大常之文而以即戎建大白為王不親将子白西 武王雖親將猶用大白也〇思按中車五路載王五 武王遂入至紂死所王射之三發而後下車以輕剱 斬紂頭懸於大白之旗不用大常者時未有周禮故 虎上威周以龍上文不用大常者問雖以日月為常 大禮則章路即戎正指王在軍時安得因夏官治兵 以龍為章故郊特姓云龍章而設日月又按周本紀

沙里日事 上馬

周禮註疏删異

克

常之外別建大建以壯軍容而中車之文大常已配 鼓鼓鬼享春田辨金鼓而王執路鼓亦此意也然木 其建祭祀之旗物以表敬又何疑馬鼓人職曰以路 路以田而建大麾何也鄭云大麾不在九旗中或大 然而設也禮王祭親射姓示敬也 雖以戎事教天下然先王所以親田者固為祠擒當 於天下且大白不在九旗中戎事用之示非常也田 則田正射牲之時

多いといろ とごし

Caldia Little 華添之而已前讀為繼翦之翦翦淺黑也木路無龍勒 [5] 四時田撰稽國謂九州之外夷服鎮服務服 以淺黑飾常為樊鵠色飾韋為纓不言就數飾與革路 木路前樊鵠纓建大麾以田以封蕃國註木路不賴以 疏趙高問大司馬職曰四時皆建大常今又云建大 宜入兵夏本不以兵得天下故建其正色以春田秋 麾以田何答曰麾夏之正色雖習戰春夏尚生其時 大麾不在九旗中以正色言之則黑夏后氏所建田 出禮注疏剛真

多另四月在書 謂舎之於客館來墨車龍旂以朝鄭云在旁與已同 天子館則舎之於館是以覲禮記云偏駕不入王 路在國祭祀及朝天子皆東之但朝天子之時東至 正文〇又云按司馬職要服以內為九州其外更有 出禮記天子殺則下大綏司馬職王建大常足相參 冬出兵之時乃建大常故雜問志云四時治兵王自 三服夷鎮若總而言之皆號蕃國凡五等諸侯所得 偏若兩諸侯自相朝亦應我之若齊吊及朝并朝 PE

Star Bright Listin 事上而君亦以是推馬固朝之朝也即戎以義故建 在上之車當東所賜車與祭祀同則王東王路可也 亂幾卤賓之道也朝以禮故建大赤臣以宣散著蓋 德為能忘馬賓以仁故建大旂大旂有升降而不為 迎得攝盛東大夫車若大夫已上不可更攝盛轉乗 則東木路也若五等諸候親迎皆東所賜路以士親 夕燕出入可降一等若在軍皆東廣車若以田以鄙 ○俊卿章氏曰祀以德故建大常奉天道之象也有 同禮註紙剛算 100

金竹四月全書 **於聚春有交龍馬大亦象夏正南方之物也大白象** 戎則宜莫盛於秋矣大麾之為色正冬也以田則宜 大白田以智故建大麾且大白之為色正秋也以即 旗則稱大旅大赤大白大麾而不言其存之数者益 秋正西方之物也大麾泉冬正北方之物也〇明齊 蒙大常之制旗幅皆十二故皆贯之以大循五服之 莫盛於冬矣○臨川王氏曰大常象天有日月馬大 王氏曰按五路樊纓有十二就九就七就五就之異

久三日日上上上 相迫也 緊總皆有容益註重程重程维之羽也嚴程次其羽使 其幸安車坐東車凡婦人車皆坐東 王后之五路重程錫面朱總康程勒面績總安車彫 面謂以如王龍勒之幸為當面飾也彫者畫之不龍 章雖與的冕皆十二旅天子與諸侯自當有辨也 4:1 劉氏曰錫面同玉路也朱總朱以為勒服罪鱗次程 相厭為飾而不重之也 問禮託疏刑具 型 函

金りにんと言 總著馬勒直兩耳與兩無容謂婚車山東謂之家常或 鄭司農云點讀為危點之點點總者肯黑色以維為之 日潼客 重程聚程等名此無異物可稱故獨得安車之名也 謝 **岩然则王后五路皆坐栗而此獨名安車者以餘有** 凡言總者謂以總為車馬之飾 按曲禮婦人不立東上大夫七十而致事若不 則必賜之几杖承安車則男子坐乗亦謂之安車 得

大己の車 とます 續畫文也益如今小車益也皆有容益則重程嚴程謂 祣 玄謂朱總續總其施之如點總車衛轄亦宜有馬 W. 為一物也 疏按昏禮云婦車亦如之有被註云被車裳又衛詩 皆是革飾之事故無施於車也 云漸車憐裳毛氏亦云幢容是容幢容與瞻及裳幃 疏後鄭取先鄭總著馬勒直兩耳與兩鑣為本以其 問禮註疏刪製 聖三

蔽 重程后從王祭祀所東厭程后從王賓變諸候所東安 金牙四月分書 之也此程被恭服程也然則王后始來東重程子 車無蔽后朝見於王所乗謂去節也詩國風碩人曰翟 以朝謂諸候夫人始來東程敬之車以朝見於君盛 疏益以表尊亦以樂雨重程服程謂敬者按馬氏等 按容調車惟施於旁者益調車益施於上者 云皆有容益子 云重程為益故微破之若重程厭程是益何須下文 卷十六

1/1/20 1/1/20 乘但漆之而已為軽輪人輓之以行有異所以蔽風塵 董車組輕有霎羽益註董車不言飾后居宫中從容所 程車貝面組總有握註程車不重不厭以程飾車之側 也后所乗以出桑 爾貝面貝飾勒之當面也有握則無益矣如今軒車是 王氏日組總以織組為總也 二者皆乗程車以告先帝非祀親桑又非大事也 按月令三月薦鞠衣於先帝又后妃親桑於東郊 周禮註疏剛異 学四

以羽作小益謂野日也 多定匹库全書 日五路言程言車而不言路二程言程而不言車者 有握朝王不以被募宫中不必被握也〇陳氏禮書 陳氏日祭祀賓客行禮也故有容益出桑適遠也故 軽凡車人報行者皆無幅〇按剛雅大扇謂之婁 卿言夏縵至墨車已下然後言車是亦飾盛者以飾 不言路避王也不言車車不足以名之也孤言夏篆 按雜記註引許氏說文解字曰有輻曰輪無輻曰

儀亦然 鄭司農云蒲敬謂竊蘭車以蒲為敬天子喪服之車漢 木車不漆者 王之喪車五東水車蒲敬大旗尾素疏飾小服皆疏註 疏上文木路對革路有華又有漆則木路漆之而已 據吉時言此木路對禪始有漆明此木路不漆節指 本體而言也 名飾殺者以車名也 周禮註面刑翼 宝

父已日臣白

金与四月百十 玄謂嚴車旁禦風塵者犬白犬皮既以皮為覆容又以 麤布飾二物之側為之緣若攝服云 其皮為戈戟之炭 大旗以大皮為覆冬 喪記主人乗惡車白狗帶是也 疏囊則我也白大皮者以喪無飾明用大之白者士 疏古者男子立東須馬軾軾上須皮覆之故云大複 疏漢時有藏長蘭東不善之車 卷十六

道的微備姦臣也書曰以虎賁百人逆子到亦為備馬 服讀為熊小熊刀劍短兵之衣此始遭喪所乗為君之 攝服註云攝猶緣也狗皮緣服差飾引之者證二 物 皆據大功布而言若攝服者按既夕記云貳車白狗 車鄭註引雜記云端衰喪車皆無等然則此惡車王 疏喪車五東貴賤皆同東之是以士喪禮主人東惡 為緣之事也 疏按喪服齊衰已下皆稱疏禮之通例凡言疏布者

文色的巨白色

周禮話疏剛其

Ĺ

金とりし 素車恭敬犬複素飾小服皆素註素車以白土星車也 乗為君之道益者在車可以去戈戟 **棼讀為賴賴麻以為嵌其稱服以素繒為緣此卒哭所** 藻車漢嚴處淺複革飾註玄謂藻水草蒼色以蒼土 堊 喪之木車也是其尊串同也〇愚按喪車無等所謂 父母之喪無貴賤一也 疏按士虞禮卒哭大夫說經帶於廟門外婦人說道 經不說帶是卒哭變服變服即易車 ルとう 老十六

次足口自己島 華席也以為敬者漆則成藩即吉也然果然也聚亦多 駿車 崔嚴然複聚飾註玄謂縣車邊側有添飾也 崔細 又以所治去毛者緣之此既練所乗 車以蒼總為蔽也應淺標以應夏皮為覆答 疏夏時鹿毛新生為淺毛 水草編之以為蔽耳 以輩為蔽今若用麻布與蒼縛則反精矣益以殖麻 明齊王氏曰舊說芬為麻布藻為蒼繒按下縣車始 V 周禮註疏删覧

席以為之新胡犬雀黑多赤少之色幸也此禪所東 金グロバクラ 漆車藩敬行複雀飾註漆車黑車也藩今時小車藩漆 黑少之色韋也此大祥所東 車與吉同禮窮則同也 等則大夫士禪亦得東漆車所以大夫士禪即東漆 疏雀頭黑多赤少雀即無也按下文大夫東黑車士 疏果然獸名也 東棧車皆吉時所東既言天子至士喪車五東尊早

1. Ja . Jones L. 1.15 墨車不畫也棧車不革較而添之 夏蒙五米畫較約也夏緩亦五米畫無豫爾 庶人果役車註服車服事者之車鄭司農云夏赤也緣 綠色或曰夏簽篆讀為圭珠之瑑夏篆數有約也玄謂 服車五乗孤乗夏簽鄉東夏緩大夫東墨車士乗棧車 文畫而不彫曰緩〇杜預曰左傅云山崩川竭君為 某氏曰夏程五采篆彫刻車衛畫采加彫篆也緩雜 之不舉降服乗緩緩車無文也 問禮註疏則員

剑公四月全書 役車方箱可載任器以共役 盛知士車有添飾者按唐傅云古之帝王必有命民 漆之縣併也是其事云役車亦名棧車以其同無華 婦人與夫同故昏禮云婦車亦如之大夫以上不攝 於其君得命然後得來飾車斯馬衣文駢錦註云飾 疏已上尋常所乗岩親迎則士有攝盛故士昏禮主 或曰素木無漆 人東墨車婦車亦如之有被為異耳不見婦人車者

というについ 者不敢干馬雖有觀観者不敢越馬是乃所以正名 車役車是也〇王氏曰考工記曰枝車欲拿飾車欲 所不用也上不得以偏下下不得以借上雖有禁熱 卿賤而庶人率皆參稽其德位之隆殺以為之制度 器以共役然謂之東則非特載任器而已夫貴而孤 侈墨車已上皆飾車也棧車無飾役車鄭氏謂載任 輓故也何草不黄詩云有棧之車行彼周道註云 棧 以立之差等則德不稱馬有所不用也位不稱馬有 尚禮註疏剛翼 芜

金好四峰全書 乗之漆車與大夫之墨車尚有辨耳喪禮無貴賤以 飾欺若從賈氏謂大夫上既禪皆得東添車則大夫 等亦謂二祥以內言之禪則擬於吉天子或不妨少 分之大而杜竊擬之端也數〇愚按喪車雖貴賤無 之例少異於士庶此亦禮之無大害者不然必禪所 乎天子諸侯絕旁期喪至於禪天子或得引絕旁期 墨車是士乃因禪而所東之車反精於平日矣而可 禪與吉同已不可通至於士平日僅乗棧車禪得東 文色り事を 賜不在等者謂若今輜車後户之屬作之有功有沽 凡良車散車不在等者其用無常註給遊縣及恩惠之 疏漢時輜車與古者從軍所載輜重財貨之車皆車 得子 後開户精作為功則曰良麤作為治則曰散也〇愚 按良散雖無常不過稍低見於規制之内而已宣得 拘此說而謂士禪亦乘添車說禮如此欲無若聚訟 父母之 恩於子天子至庶人一也其說豈不正大乃 周禮託疏則罪

金グビル人言言 毁折入衛於職幣註杜子春云衛讀為資資財也東官 車段折者入財以償繕治之直 儿 凡車之出入歲終則會之註計其完敗多少 賜闕之註完敗不計 或曰命車賜人出而不入故闕之不須會也 怨為淫巧乎 壞而材料尚可用者則存之職幣以備冬官修造繕 疏入於職幣職幣還與冬官繕治之〇或日其幣

次足り日白目 大喪飾遣車逐廠之行之註戲與也謂陳駕之行之使 及葬執益從車持旌註從車随極路持益與旌者王平 也所持者銘旌 生時車建旌雨則有益今區車無執而隨之泉生時有 人以次舉之以如墓也遣車一日獨車 治之用 或曰及葬謂極在道 疏以遣車亦有鸞鈴故也 周禮註此刑異

歲時更續共其弊車註更易其舊續續其不任用共其 且警衆必使鳴鈴者車有和鸞相應和之象 弊車小車既更續之取其弊車共於車人材或有中用 大祭祀鳴鈴以應難人註難人主呼旦鳴鈴以和之聲 小喪共歷路與其節註歷路載極車也節棺飾也 及基學於關陳車註關基門車貳車也 疏天子貳車象生時當十二乗也

シーラー といろ 為器之至重周禮特設中車一職掌公車之政令典 司其事王車與兵車各分其職所以志專而事辨中 之車馬各出於其采地士卒之兵車大車出於司馬 路者辨車之等而駕說之也車僕者掌兵車而用之 王氏曰亦所以警王無得宴安也〇明齊王氏曰車 人所掌者專以供王五路及王臣之所東其鄉大夫 車無統之故其我為下大夫凡公車所駕之馬即校 也冬官輪人與人則造車之肆也造車與駕車者各 周禮註疏刪翼

有朝祀之事而駕之鄭司農云説謂舎車也春秋傅日 典路掌王及后之五路辨其名物與其用說註用謂將 若有大祭祀則出路贊駕說註出路王當東之對駕說 雞鳴而駕日中而說用謂所宜用 赞僕與趣馬也 法之田則以人治田以田出車馬兵之與農人之與 車馬常相連而不離故國無養兵之貴民無養馬之 弊武備常修而易集所以為善也

車於庭 欠五日日十日日日 大喪大賓客亦如之註鄭司農云書顧命曰成王崩康 凡會同軍旅界於四方以路從註王出於事無常王東 先路在左塾之前次路在右塾之前漢朝上計律陳屬 王既陳先王實器又曰大路在賓階面贅路在作階面 路也先路木路也次路泉路革路也面南嚮也 疏大路玉路贅路玉路之貳也先路泉路次路泉路 之貳也〇按蔡氏尚書註大路玉路暫作級級路金 **尚禮註疏删翼**

金グロルノニ 之車也革循屏也所用對敵自敬隱之車也輕車所用 車僕掌戎路之萃廣車之萃闕車之萃華車之萃輕車 馳敵致師之車也春秋傅曰公喪我路又曰其君之我 我路王在軍所乗也廣車横陳之車也關車所用補關 之菜註萃猶副也此五者皆兵車所謂五我也 分為二廣則諸侯戎路廣車也又曰即存闕四十東孫 路典路以其餘路從行亦以華國 王氏曰戎路董車也董車以即戎故又謂之戎路

未盡聞 八陳有華車之陳又曰馳車千東五者之制及萃數

者所東也而萃各從其元馬 凡師共革車各以其萃註五戎者共其一以為王優尊 陳氏曰詩云賴車鶯鎮按爾雅曰賴輕也

六韜車者軍之羽翼也所以陷堅陣要強敵逃北走 也〇後儀王氏曰或問道千乗之國千來之國可使

钦定四車全書

問禮註疏則弘

治具賦何謂千東曰包氏依王制孟子謂方里為井

成出華車一東千東之賦其地千成方三百一十六 我馬一匹牛三頭四丘為甸甸六十四井也有戎馬 出車一乗包八說八十家出車一乗疑馬氏為可據 里有畸唯公侯之封乃能容之朱子曰馬說八百家 畝百為夫夫三為屋屋三為井井十為通通十為成 四匹兵車一乗甲士三人卒七十二人是謂乗馬之 愚致漢食貨志四井為邑四邑為丘丘十六井也有 十升為東百里之國適千東馬氏依周禮司馬法謂 火之四十十五十 周禮註頭州翼 法當用十萬人為步卒者七萬二千人大國三軍為 車者二十五人千承之地三百十六里有奇車千束 士三人左持弓右持矛中人御步卒七十二人将重 于詩集云千乗人國之賦城方十里出華車一乗甲 朱子於論語或問云車一乗甲士步卒合七十五人 千東之國其說與馬融同此朱子所謂可據也或曰 千井戎馬四千匹兵車千東此諸侯之大者也是謂 法一封三百一十六里提封十萬井定出賦六萬四

金りて 車三百七十五乗三萬七千五百人其為步卒不過 車也載器械財貨衣裝司馬法曰一車甲士三人步 輕車也杜收註輕車戰車也古者車戰革車輜車重 兵之法馳車干駒革車千東帶甲十萬曹公註馳車 皆合然則孫子之註可得聞數曰孫子作戰篇凡用 數諸儒告所未言蔡季通每論此事以及周禮軍制 二萬七千人敢問既曰一乗七十五人又曰一乗百 人何也曰朱子讀曹公杜牧註孫子見所論車乘人

謂千東之國成國半天子之軍也古者積伍五人為 乗會三郊具三軍三遂武之合都邑之師為千乗所 大國三軍其賦千乗書費誓自魯人三郊三遂郊即 鄉也天子六鄉具六軍六遂貳之合都邑之師為萬 計則百萬之衆皆可知也說齊唐氏魯軍制問亦云 樵汲五人輕車七十五人重車二十五人故二東兼 卒七十二人炊家子十人固守衣装五人廢養五人 百人為一隊舉十萬之衆華車千東校其費用支

とうしり しんこう

用被註疏制買

五十八

金牙世屋全書 重車所以不同或曰重車見於經傳數曰左氏傳乙 之蒐傅稱革車千乗朱子或問止言輕車集傳兼言 軍之成数也言公車千乗者舉兵車之成數也昭公 十五人一軍合為九千三百七十五人三軍合二萬 卒百人而車法成其七十五人為戰車一乗徒七十 八千一百二十五人會領閥官言公徒三萬者舉三 人為軍為戰車百二十五乗徒九千人甲士三百七 二人甲士三人其二十五人別為重車萬二千五百

我戰則克自文武殊塗服儒衣冠以武事為配而介 皆儒者之事士游於藝老有不習射御者夫子亦曰 方孔門弟子樊遜為右冉有用矛有若與攻吳之卒 封約卒東之數命將在公卿之列兵農一制文武同 掠之患漢志謂句出牛十二頭其以駕重車與可使 在前輜重在後楚重次日乃至後兵車一日故無動 治其賦者左氏傅所謂賦與謂兵車之賦也古者提 卯楚師軍於如丙辰楚重至於如吕氏謂凡戰兵車!

飲定四草主

同禮註疏惻真

曹之夫 不知義亂是用長黎民亦曰殆哉古有車無 養熊沒者也行則以車為衛居則以車為营一車 間又有停車孫子曰萃車千腳輕車千束帶甲十萬 五人為一隊去車二十五步所謂炊家子守衣装厮 騎騎戰始於七國於是車制發房琯用之而敗以不 甲士三人步卒七十二人二十四人居前左右各二 十四人居前者戰左右者挾轅常相更看後又二十 教民戰是調棄之此之謂矣○雜說車戰之法每車

次定四車全書 一 會王雖東金路猶共以從不失備也 大喪威革車註言興革車則遣車不徒戎路廣闕革輕 會同亦如之註巡守及兵車之會則王東我路乗車之 是車無騎牛與馬雜用之何緣不敗 敗之唐太宗李衛公最喜論車戰房班陳涛之敗乃 謂存車也車戰之法為不可敗計有停車者萬一或 不可用宋武帝車戰之法甚善馬隆亦用車戰又誰 敗免致倉皇無備後人自不能車戰切不可言車戰 ,周禮註疏則罪 をへ

司常掌九旗之物名各有屬以待國事日月為常交龍 皆有馬 大射共三乏註鄭司農云之讀為匱乏之乏 疏乏一名容射人云三獲三容是也華車用皮乏亦 不過故名之 言也〇某內田王之大射必張三候每候之後必有 用皮故因使車僕為之大射容賓射燕射舉尊者而 乏使持強告獲者籍以自酸也○按矢至此力乏 卷十六 改皇四年全書 屬調微識也 旅全羽為遊析羽為旌註物名者所畫異物則異名也 於干首也凡九旗之帛皆用絲 殷之色全羽析羽皆五采聚之於遊旌之上所謂注旄 通帛謂大亦從周正色無飾雜帛者以帛素飾其側白 為於通帛為禮雜帛為物能虎為旗鳥隼為鎮龜蛇為 疏九旗中禮物旌遊等不畫異物鄭據名總言之商 **激識調在朝在軍所用小在故以屬言之** 問禮註疏刑罪 先

帛之屬各有屬則自王以下各有屬建旗則使其屬 龍旂十乗淑旂緩章左傳曰分會以大路大旂樂記 升青陽而降交泰之道也詩曰龍於陽龍於承祀 謂之交〇陳氏曰升白龍於緣則青者降矣白陰而 辰旂旗昭其明也即太常也〇王氏曰龍一升一降 牲曰於十有二硫龍章而設日月泉天也左氏曰 視而從馬待國事謂師田賓祀之事〇陳氏曰郊 王氏曰旗之名則常於禮物之屬旗之物則通帛雜

分グリ

と言

REDEP LINE 建殖大夫士建物印都建旗州里建旗縣都建旅道車 及國之大閱贊司馬頌鎮物王建大常諸侯建於孤鄉 建旅設旄所謂旅也 古制也詩云子子干旗所謂旗也又曰建此旅矣又 勇〇陳氏曰鄭有蟊於晉有遙旗所謂旗之屬而非 中以絳〇王氏曰熊以其毅虎以其猛鳥以其速隼 日龍浙九旒天子之旌也〇劉氏曰雜帛外飾為帛 以其摯〇劉氏曰龜取其静而有知蛇取其敏而有 周禮託疏則莫

諸侯畫交龍一泉其升朝一泉其下復也 自王以下治民者旗畫成物之象王畫日月象天明也 載磁好車載旌註仲冬教大閱司馬主其禮 金少四月百十十 王氏曰諸侯在國則有君道在朝則有臣道故龍 為主而司常則貨之而已 教武事而司馬主兵故於大関而頑旗物則以司馬 王氏曰掌九旗之物名以待國事者司常也大関則 降乃不為尤

欠至日年上日日 官互約言之鳥集象其勇健龜蛇象其打難辟害也 者鄉逐出軍賊泉其守猛莫敢犯也州里縣鄙鄉遂之 正道佐職也 師都六鄉六遂大夫也謂之師都都民所聚也畫熊虎 精白一心夾輔王朝也 疏雜帛中赤其旁用白白乃般之正色故云以先 王 之道佐職也〇愚按外白中赤者赤周之正色謂以 尚禮註疏則異 至

孤鄉不畫言奉王之政教而已大夫士雜帛言以先王

鄙全羽析羽五色象其文德也 道車象路也王以朝夕燕出入存車木路也王以田 建磁正田獵建大麾今以小田獵及巡行縣鄙則 藍田日氏曰師都則族師州里則鄉長縣鄙則縣 疏九旗發首雖總為大関而言其道車載遊存車載 知之者以此職皆有旗鼓之文 非為軍事也王在朝建大赤今以朝夕热出入 則 師 バ

大関王東戎路建大常馬王路金路不出 縣都将六遂之兵此即都所以有熊虎之旗州里所 成在師都将三等采地都邑之兵州里将六鄉之兵 関之時孤卿大夫士與六鄉六遂三等采地之大夫 王先生曰凡無所将者則無所畫通帛雜帛是也大 則從王耳所以載禮物也及觀大司馬中秋教治兵 以有鳥隼之旗縣鄙所以有龜蛇之旅孤卿大夫士 辨旗物之用唯王與諸候所載同其他軍吏載旗而

· 設定山車全書

問被註疏剛翼

空

杜長短等於大常若人臣建之則各從其命數而為 龍旂六存鳥旗七存龜旅四存皆王者所建其存與 司馬人皆缺馬抑治兵大関其禮各異數○劉氏曰 百官載旗而此則州里建之載磁載旌則見於此而 物而此則大夫士建之郊野載施而此則縣鄙建之 之等降馬〇仲與郝氏曰六鄉為前軍鳥集陽象也 六遂為後軍龜蛇除象也 則師都建之師都載檀而此則孤卿建之鄉遂載 次定日年上上十二 若有死事者亦當以相別也杜子春云畫當為書玄謂 之事果具之名果某之號今大閱禮象而為之兵凶事 幅廣三寸書名於末此益其制也微識之書則云其某 號註事名號者凝識所以題別衆臣樹之於位朝各就 士喪禮曰為銘各以其物亡則以繼長半幅賴未長終 馬戴禮曰公侯伯子男告就其旗而立此其類也或謂 之事或謂之名或謂之號異外內也三者旌旗之細也 甘畫具象馬官府各象其事州里各象其名家各象其 問禮註疏剛其 宁三

畫畫雲氣也異於在國軍事之節 名號〇仲與郝氏曰旗旅以上七者皆統衆之大旗 其名則畫州里之官名家各象其號則畫其家邑之 也磁旌以下义各車小旗所謂被識也前導之車載 戊曰官府各象其事則畫六官所掌之事州里各象 云織文鳥章白施央央箋云織藏識是名識也○鄭 疏上之九旗旗之大者也此言旌旗之細者昭二十 年宋厨人濮曰楊藏者公徒也是名嶽也詩六月

金グルル と言い

猶曲禮前有塵埃載鳴為前有車騎載飛鴻之類其 遊聞之車尤無謂矣 亂而無統鄭註未明道車為王出入之車游車為王 屬各以家之號為象別之如此則什伍相聨不至淆 全羽之遊好屬也各屬之車載析羽之旌皆畫其象 之州里之屬各以州里之名為泉别之隣比五家之 三軍之衆各有所屬官府及其地里居宅車上各 以 小旗表識如司馬鄉逐大夫之屬各以執事為象別

Dailound Lien

尚禮託疏剛武

华四

其物 宫 釤兌 大喪共銘旌註銘旌王則大常也士喪禮曰為銘各以 巡守兵車之會王東戎路皆建其太常掌舎職曰為惟 會同賓客亦如之置在門註賓客朝觀宗遇王乗金路 凡祭祀各建其旗註王祭祀之車則玉路 設旌門 疏掌舍樹之此官供旌 疏王建大常諸侯則旂孤卿則禮大夫士則物 匹 戽 生書 卷十六

火色の地大小 甸亦如之凡射共獲在註獲旌獲者所持旌 凡軍事建旌旗及致民置旗弊之註始置旗以致民民 至仆之誅後至者 建戲車之旌及葬亦如之 之时 疏謂若大射服不氏唱獲所持之旌三侯皆有獲旌 亦如之謂入城亦建之〇愚按及葬亦謂在道至墓 疏謂以嚴旌建於遣車之上此謂在廟陳時也及葬 7 周禮註疏側員 主

金はならなる 歲時共更旌註取舊予新 衛之警興駕儀物益本於此唐堯彤車有虞鸞和夏 終景祐南郊鹵簿圖記序曰黃帝創軒冕之容列告 居其左上将居其右弧矢揚威羽林置陳天垂象聖 王氏曰有司用旌有弊壞而欲更易者並司常共與 人則之軒轅以師兵為营衛至三代其儀大備宋宋 〇後儀王氏日按隋志云卓彼上 天宫室混成女 戈

次足可事五島 華國固自殊轍也〇俊卿章氏曰周禮司常掌九旗 身以敦朴為先及其部令則曰鷹旗在前屬車在後 備羽衛者國家之上儀也在漢孝文般設書囊之惟 儀物明盛猶可想於千載之下然則聖人所以奉已 知周必大繡衣鹵簿記云益恭儉者帝王之盛德也 之數漢上甘泉備干乗萬騎之衆自時厥後損益可 之徒三五之際所由來尚矣秦并六國無屬車九九 后之綏商人之路問官有司常巾車之職虎貢旅賣 問禮註疏剛真 至

金げんしたんとう 皆名其用而已非言其義也曲禮則言其義矣司常 旌矣其在德車則為結旌矣 綏旌結在不言於司常非無之也 具在武車則為綏 旌曰結旌結者欲其固也執德則所貴在於固然則 曰終旌 終者欲其安也臨武 事則所貴在安德車之 名其用故各指其制言之曲禮言其義故武車之旌 馬不載何也益司常掌九旗之物各有屬以待國事 各有所屬也放之曲禮有緩旌結旌之文而司常缺

次定四草 在上 戒具其來致福則帥而以造祭僕 祖王之廟其祭祀王皆賜禽馬主其禮者警戒之糾其 山川及因國無主九皇六十四民之祀王子弟則立其 都宗人掌都宗祀之禮凡都祭祀致福於國註都或有 之君絕世無後今宜主祭之也同姓得有先王之廟 者史記伏義己前九皇六十四民並是上古無名號 疏按王制云天子諸俱祭因國之在其地而無主後 〇王氏曰夫節莫差於借僭莫差於祭故季氏旅泰 問禮註疏惻翼 至

金りにんと言 典其祀而或賜之禽馬王以不與其祭而重之也夫 之不可忘也先王為之領祀以馭其神為之宗人以 其地而無主後者都家之治以貴得民此族實陰相 因以立者也有名山大川之在其地者有因國之在 也有五祀馬人之所待以安者也有先君馬國之所 也〇黄氏曰都家之邑有社稷馬物之所資以生者 之禮益在所尤謹也祭祀之致福於國歸王以其福 山而孔子深病之此都家宗人所以皆先之以祭祀

旗 くこうでとこう 正都禮與其服註禁督其違失者服謂衣服及宫室車 致而已 愚按僭越之事未有不起於幾微疑似之 際者折其 哉而况子弟之親公御大夫之密邇壽王以其福固 為之領祀以取其神為之宗人以典其祀則都家祭 其願也祭僕展而受之膳夫受而膳之亦王享其所 祀唯王所議神之所享唯王所賜其福安得而不致 山禮話疏剛真 至

壇域 也反命還白王 國有大故則令禱祠既祭反命於國註令令都之有司 若有寇戎之事則保羣神之遺註守山川丘陵墳行之 多分四,但 全事 按先王制禮非懂過天下之僭喻以久一人之尊貴 王氏曰祀所以馭其神必命之祭然後祭則祭之命 萌則易返其流則難宗人之職所以不可緩也 王所出既祭反命於國則逆祀命者益無有矣 卷十六 愚

祀與都同若先王之子孫亦有祖廟 家宗人掌家祭祀之禮凡祭祀致福註大夫采地之所 制禮以域之是以縣繩天下之悖也民誰與我 忍人之心斯有不忍人之政不然懼天下之我偏也 於是幽明上下皆底於禮而無忒矣故曰先王有 不 畿外則領祀都家特設宗人以掌之但恪守王章而 而已也如祭祀一端廢則為弗事上帝遺敬宗廟係 則人有犯分之罪而鬼神亦陷於不義先王大封於

欠正の日本日本日

周禮註疏惻莫

亢

掌家禮與其衣服宫室車旗之禁令註掌亦正也 歸白王於獲福又以王命令祭之還又反命 國有大故則令橋祀反命祭亦如之註以王命令禱祠 以神仕者掌三辰之邊以循思神示之居辨其名物 疏都宗人若戎之事則保羣神之遗者據王所命祀 見 者而言則此家宗人亦有王所命祀者家宗人亦保 之可知〇王氏曰都宗人家宗人言或詳或略皆互

帝坐禮祭宗廟序昭穆亦又有似虚危 有明邊馬國語曰古者民之精與不攜貳者而又能齊 則祭天園丘象北極祭地方澤象后妃及社稷之席皆 旗坐星厨倉具黍稷布席極敬心也言郊之布席象五 句孝經說郊祀之禮曰燔燎掃地祭姓繭栗或象天酒 也以此圖天神人鬼地祇之坐者謂布祭衆寡與其居 疏虚危有墳墓四司又為宗廟布席象也 循圖也居謂坐也天者羣神之精日月星辰其著位

次定四年全書

尚禮註疏剛其

貨食逐經人神今此道滅痛矣 照之 其 聪能聽徹之如是則神明降之在男曰 現在 肅中正其知能上下比義其聖能光速宣朗其明能光 以冬日至致天神人鬼以夏日至致地示物鬼以檜 閣其義何明之見何灋之行正神不降或於淫厲苟貪 矢口 日 神 凶荒民之札喪註天人陽也地物陰也陽氣升而祭 巫是之使制神之處位次主而為之牲器時服巫 如此又能居以天演是以聖人用之今之巫祝 . 既 跹 女 凾

此補讀如清雕之漬 鬼神陰氣升而祭地示物鬼所以順具為人與物也致 神曰思春秋傳曰聽點題魁杜子春云會除也玄謂 而由陰陽之精以推之則其居可圖也昔神降於幸 思於祖廟致物點於揮壇益用祭天地之明日百物 辰者陰陽之精也鬼神祗雖幽無形然皆麗子陰陽 法也天神人鬼地祗之居以圖以三辰之法者益三 王氏曰三辰之法謂日月星辰之次舍其推之皆有

文色日草色町

尚禮註疏删異

丰

孟春日在營室昏參中旦尾中孟夏日在畢昏翼中 甚重射父价對詳矣楊鼎卿曰按禮記以三辰言之 觀射父而及重黎絕地天通之事益古者巫祝之任 與民吉凶同患之意 〇王先生曰按楚語昭王問於 知鬼神之情狀也〇王氏曰檀國山荒民礼喪夫禱 問内史過曰以其物享馬其至之日亦其物也是亦 以三辰之法猶之辨其所命之名所色之物此所以 被衛人情不能免先王因人情而為之典禮凡以

次三日 日本一日本日 尾昏危中旦七星中以循鬼神示之居故春則其帝 旦婺女中孟秋日在翼昏建星中旦果中孟冬日在 可類推矣 其神勾芒其犯户夏則其帝炎帝其神祝融其 則其帝少雄其神為以其祀門冬則其帝顓 至冥其祀行以辰循居非特如此言其常位 尚禮註疏則其

周禮註疏州翼卷十六